

貴州通志



貴州通志卷之三十六

藝文

國朝

疏

議覆苗疆善後事宜疏

張廣泗

爲遵

旨議奏事竊苗疆善後事宜經臣酌議三條具奏今於乾隆元年十二月十五日准兵部遞到大學士鄂爾泰張廷玉等寄字到臣臣查廷議內開一安設鎮營所添兵丁止一千三百餘名爲數少覺不敷應令再行妥議等因臣查朗洞一處係苗疆適中

扼隘之區最關緊要臣前請另立一營設兵一千
名內除分駐寨蒿柳拉二汛外實存兵七百名微
覺單弱應於朗洞再添兵二百名又都司府屬之
荔波縣向隸廣西管轄縣治僻處山隅未建城郭
雍正十年始改屬貴州其間地廣苗悍甚於新疆
前議安兵六百名亦微覺不足應再添兵二百名
台拱鎮標原額兵三千名今改鎮爲營議留兵一
千二百名就目前形勢已敷分佈但係新改營制
裁兵過半且所管高坡一帶地勢深險應再添兵
二百名丹江額兵一千六百名前議止留兵一千
名但其地貼近牛皮大箐亦應添兵二百名又古

州都江清江台塘八寨丹江各處於雍正七年設
有同知通判等員敝照湖南乾鳳二廳之例在於
同駐之官兵內各撥給把總一員兵一百名爲其
親標今查此項弁兵皆就各該處營兵內撥給一
兵兩轄文武往往因此爭執互生嫌隙且旣撥歸
文員則於本營差操不能分身應設其屬無益請
將各該同知通判之親標弁兵悉撥還本營該丞
倅等各添設千把一員另募兵丁一百名又現奉
諭旨於古州添設巡道一員有控制漢夷之責應請
兵備衙添設標兵三百名再設守備千把各一員
管轄卽將該丞倅等各募新兵統歸道標專轄一

轉移間則所添之兵合之原添之數共三千名兵力愈加充足可以鞏固無虞矣又廷議內開一變立郡縣雖於新疆之體統似屬可觀但欽奉

聖訓後苗人爭訟之事俱照苗例完結錢糧永行免徵若改立郡縣添設守令不特無事可辦徒爲糜費錢糧應無庸議等因臣查新疆較之內地政務甚簡既有同知通判等官分地而治又添設古州巡道一員則上下相維足資料理實可不必改設郡縣惟是該丞倅等所駐劄地方均係巖疆重地兼有監倉之責除古州台拱二處向各設有佐雜其清江八寨丹江都江等處僅各有同知通判一

員或遇因公出境陞遷事故一切公事竟致無員辦理再朗洞地方去古州一百八十餘里現議設立汛營今既不設縣斷不可無文員在彼協辦應請將原駐古州之開泰縣縣丞改駐朗洞仍隸古州同知統轄至清江下河之柳霽地方爲水路要區去清江城一百餘里前議於清江協撥遊擊一員帶兵駐劄應請添設天柱縣縣丞一員分駐其處仍隸清江通判統轄再古州一帶兵糧悉資粵米協濟收貯接運不便無專員管理應於古州添設倉大使一員再將黎平府照磨一員改駐古州以供道驢臂指之用此外於清江添設鎮遠府知

事一員八寨設都勻府知事一員丹江設清平縣
主簿一員都江設都勻縣主簿一員俾各廳員資
其佐理至荔波縣地界週廻千餘里止有知縣一
員典史一員實不敷辦理現議遷移縣治建造城
垣應再設縣丞一員分駐舊縣地方如此則治理
有人而要地不致缺員矣又廷議內開一逆苗絕
產安插漢民領種臣等查新疆苗衆震懾軍威就
撫方始若遂招集民人分種管業未免復起驚疑
轉於新疆無益臣等酌議不若暫給駐守之兵丁
並兵丁之子弟就近耕種既可便於稽察亦可少
佐兵糧等因臣查新疆地方所遺絕產臣前陳請

安插漢民實屬淺陋之見但大學士等抄寄欽奉
上諭與此招集漢民不若添設屯軍俾無事則盡力南
畝有警即可就近抵禦則苗疆駐劄之兵數較多而
兵氣自奮且省添兵之費欽此仰見

睿慮周詳指示盡善臣正在籌議舉行今奉到廷議祇
令暫給兵丁並兵丁之子弟耕種查新疆安設營伍
汎原以建威消萌守禦彈壓各該汎兵俱有營伍
地方之責巡防操演之煩非若口外征兵駐守無
事可孤令屯田以資軍實也况苗疆田土盡屬水
田亦非若塞外陸地易爲耕種營汎兵丁行伍差
操是其所長農畝之事多有未諳至其子弟中雖

有能耕種者但爲數無多不敷分佈再四思維惟有凜遵

聖諭安設屯軍洵爲至當不易永遠寧謐之良規也臣與司道等官悉心計議此項屯軍除先儘兵丁子弟內之能耕種者招令承領外但兵丁子弟無多查前經督臣尹繼善因逆苗蠢動飭令通省招募新兵共五千餘名訓練已及一年技勇嫻熟今軍務告竣現在酌減歸農應卽在此新兵內招其能種田畝並情愿前赴苗疆承領者給與耕種如仍田多兵少卽就近招募年力精壯可充兵丁之人令其領種但屯軍與漢民不同漢民三時力作之

外別無餘事屯軍於農隙之時當令操演訓練遇
事調遣行走 應籌畫充裕無缺乏之處查苗

人所種水田上田每畝可出稻穀五石中田可出
四石下田可出三石合計屯軍每戶給與上田六
畝或中田八畝或下田十畝其所收米穀可敷一
年之口食且苗人止知耕種水田所有山土悉皆
拋棄今所設屯軍除不許侵佔苗界外其餘附田
山土儘其墾種雜糧則衣食益爲饒裕再屯軍初
設棲身無所耕種無資又不能裹帶餘糧以待收
穫應每戶給修葺房屋銀三兩牛具籽粒銀五兩
再議給口糧秋冬應募者接濟至夏收而止春夏

應募者接濟至秋收而止每大口日給米八合三勺小口半之計口授食俾得盡力南畝以待收成更宜選擇扼要處所建築堡牆或用石砌或用土築官給工價口糧卽令該屯軍等自行修築庶幾彼此聲勢聯絡出入田疇得收守望相助之益既有屯堡可守器械亦所必需應將現在苗人所繳器械揀擇完好銛利者按戶散給以資操演捍衛再人數衆多不便聽其散漫無所管束查直省凡有屯軍之處皆有衛守備或衛千總管轄而統隸於府道等官又查前明建設衛所有指揮鎮守並千百戶等官名色今雖不必沿襲其舊似應變通

其意每十戶如營兵之什長設一小旗每五十戶
如營兵之管隊設一總旗每百戶如營兵之百總
設一百戶責令管束稽查與營兵無異查新疆理
有同知通判等官政務甚簡此項屯軍似不必另
設衛守備應於古州添設衛千總二員台拱清江
八寨丹江各添設衛千總一員專司一切屯種訓
練事宜將各該處同知通判加以清軍銜令其兼
轄而總隸於古州巡道統屬每於農隙之時該管
丞倅等董率操演該管巡道仍不時稽核點驗務
俾技藝純熟以期有勇知方遇有征調按冊而稽
一呼可集較之遠調土兵其利奚啻什倍再苗疆

既立屯軍則應禁絕擾累以寓撫卹苗人之意其
就撫餘苗固不宜令與屯軍錯雜而居亦宜酌給
田土資生臣現飭承辦苗疆道府等官分往各處
相度情形將田土間雜處所逐一區畫整齊凡已
剿之寨投撫餘苗酌其人口多寡撥給田土歸併
妥插量加賞卹務令屯軍與苗人田土山場界限
井然以杜將來攙混侵佔之弊則一勞永逸不致
復滋後釁矣

苗疆告竣撤兵疏

張廣泗

爲

天威遠播永奠苗疆告竣撤兵事竊查黔省吉州一帶

苗蠻向居化外廻環二千餘里盤踞數十萬眾性
情獷悍兵械繁多居僞漢民界聯郡縣時出擾掠
爲地方隱憂臣前於貴州巡撫任內承辦清理開
通安設鎮管扼其要隘欲以化導拊循漸底馴順
不意臣識見卑庸才力短淺旣已冒昧從事又復
經理踈漏雖規模粗定而一切善後章程全未妥
善迨臣奉

命前赴西路軍營繼事諸臣旣形勢之未諳又撫馭之
無術遂致逆苗大肆跳梁不可收遏查逆苗起事
始於古州之八妹高表並接界丹江台拱之交島
交歪等寨捏造妖言傳散木刻到處播揚非止悞

惡兇徒翕然聽信卽婦人女子亦羣起若狂於雍正十三年二月二十六日糾合萬衆襲攻王嶺營汛經古州鎮臣輔勲預派官兵奮力急擊挫彼兇鋒賊始奔潰乃通苗等自王嶺戰敗復聚集於台拱清江之間往來號召謀逆益急是時風聲傳播人心惶惑屢據官屬稟報情形而撫提諸臣猶以爲苗寨謠言不足深信祇令古州清江各撥弁兵數百人遊巡會哨便可了事迨後勾結陞廣附和愈衆於三月二十一日圍攻番招營汛始皇遽發兵倉卒赴敵將內地駐防兵丁盡行撥赴新疆汛委一庸劣無能之副將宋朝相統領而前不意進

至番招不能聲援策應反致被圍山頭逆苗蜂起
內地無兵卽乘間四出侵犯熟苗同時附和攻陷
凱里次及清平黃平餘慶等州縣又攻燬清溪縣
沿燒劫鎮遠思州二府屬之附近村寨人民驚竄
驛路阻塞台拱清江等鎮協營僅能閉城自保而
排咱小丹江二汛因缺糧爲奸苗所愚買路夜遁
致被屠害因之愈肆猖獗豕突狼奔卒難收拾以
致上厯

憲皇帝宸表南顧殷憂遣發滇蜀楚粵六省大兵會
師進剿

貴州提督哈元生爲揚威將軍專司征討又以地

方遼瀾哈元生一人調度難周

余湖廣提督董芳爲副將軍從下游分領夾擊又

差刑部尙書張照左副都御史德希壽總理撫定苗
疆兵馬錢糧賑恤事宜

精詳至周至備將帥諸臣倘能凜遵

協力同心叢爾小醜不足平也乃撫提二臣已意

不合迨聞凱里已失勢甚危殆提臣哈元生始

曉至楊老駐劄所帶兵役僅二百餘人逆苗聞提

督親來以爲必有重兵不敢輕犯而平越都勻以

上方藉以保守雲貴督臣尹繼善前據屬員稟報

已派遣廣羅協副將周儀奇兵營叅將哈尙德等